

**Հ Ա Շ Վ Ե Տ Վ ՈՒ Թ Յ ՈՒ Ն**

**2023 թվականի սեպտեմբերի 10-ից 12-ը**

**Վրաստան (ք. Թբիլիսի) գործուղման արդյունքների մասին**

**1. Անունը, ազգանունը՝**

Աշոտ Մուրադյան

Ներսես Զեյնալյան

**2. Զբաղեցրած պաշտոնը՝**

ՀՀ պետական եկամուտների կոմիտեի նախագահի տեղակալ

ՀՀ պետական եկամուտների կոմիտեի միջազգային համագործակցության վարչության պետ

**3. Գործուղման վայրը և ժամկետները՝**

Վրաստան, ք. Թբիլիսի, 2023 թվականի սեպտեմբերի 10-ից 12-ը

**4. Հրավիրող կողմը՝**

Վրաստանի և Ալժիրի հարկային մարմինները՝ որպես «Գոտի և ճանապարհ» նախաձեռնության հարկային վարչարարության համագործակցության մեխանիզմի (BRITACOM) ընթացիկ համանախագահողներ

**5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝**

Գործուղման հիմնական նպատակը «Գոտի և ճանապարհ» նախաձեռնության հարկային վարչարարության համագործակցության 4-րդ համաժողովին (The Belt and Road Initiative Tax Administration Cooperation Forum - BRITACOF) (այսուհետ՝ Համաժողովին) Հայաստանի Հանրապետության ներկայացվածության ապահովումն է: Հարկային մարմինների համագործակցության ամենամյա համաժողովը՝ «Գոտի և ճանապարհ» նախաձեռնության հարկային վարչարարության համագործակցության մեխանիզմի (BRITACOM) գլխավոր միջոցառումն է, որին մասնակցում են BRITACOM-ի մասնակից և դիտորդ երկրների բարձրաստիճան ներկայացուցիչները և որի ընթացքում քննարկվում են տարածաշրջանի երկրների առջև ծառայող մարտահրավերներն ու

միտումները, փոխանակվում է խնդիրների լուծման լավագույն միջազգային փորձը: ՀՀ ՊԵԿ-ը՝ որպես դիտորդ, մասնակցում է BRITACOM-ին վերջինիս հիմնադրման պահից:

2023թ. համաժողովում տեղի է ունեցել ծանոթություն հարկային միջավայրի հիմնական թեմաների շուրջ շնորհանդեսներին և պանելային քննարկումներին, ինչպես նաև հարկային բիզնես միջավայրի օպտիմալացման ընդհանուր պլանավորման, հարկային թափանցիկության, հարկային բեռի նվազեցման, հարկային կարգապահության բեռի պարզեցման, թվային տեխնոլոգիաների կիրառման և վեճերի լուծման հարցերի քննարկումներին:

Իր հերթին համաժողովի աշխատանքներին իր ներդրումն է ունեցել նաև հայկական պատվիրակությունը՝ պանելային քննարկմանը որպես հիմնական խոսնակ հանդես գալու միջոցով:

Բացի այդ, համաժողովի շրջանակներում հնարավորություն է ստեղծվել երկկողմ ձևաչափով անդրադառնալ հարկային վարչարարության արդյունավետ իրականացման հարցերի:

## **6. Քննարկված թեմաները՝**

- Հարկային ոլորտի գլոբալ զարգացումները և առավել հրատապ խնդիրները, այդ թվում՝ հարկային մարմիններում աշխատանքային միջավայրի օպտիմալացումը և այդ նպատակով թվային տեխնոլոգիաների կիրառումը,
- Հարկային օրենսդրության և վարչարարության թափանցիկության ապահովումը,
- Հարկային վարչարարական բեռի նվազեցումը և հարկային կարգապահության դյուրացումը,
- Բիզնեսի և հարկային մարմինների միջև վեճերի կարգավորման մեխանիզմները:

## **7. Հանդիպումները, ելույթները, բարձրացված կամ քննարկված հարցերը՝**

Համաժողովի՝ հարկային կարգապահության ամրապնդմանը նվիրված պանելային քննարկման ընթացքում հիմնական զեկուցողների շարքում հանդես է եկել ՀՀ ՊԵԿ նախագահի տեղակալ Աշոտ Մուրադյանը՝ ներկայացնելով երկրի հարկային միջավայրի բարելավման ՀՀ փորձը: Ներկայացվել է տեղեկատվական տեխնոլոգիաների դերը

հարկային կարգապահիության բարելավման գործում: Քննարկումը էական արձագանք է ստացել մասնագիտական համայնքի շրջանում:

Համաժողովի աշխատանքների շրջանակներում ՀՀ պատվիրակությունը նաև երկկողմ հանդիպումներ է ունեցել մի շարք պետությունների պատվիրակությունների հետ, մասնավորապես՝ Վրաստանի, Ղազախստանի և Իրանի: Հանդիպումների ընթացքում կողմերը համառոտ ներկայացրել են իրենց երկրներում իրականացվող հարկային բարեփոխումների ծրագրերը և կարևորել միջազգային համագործակցության դերը՝ ոլորտի լավագույն փորձի հայթայթման և տարածման գործում: Երկկողմ հանդիպումների շրջանակներում Վրաստանի Հանրապետության եկամուտների ծառայության ղեկավարության հետ քննարկվել է երկու երկրների հարկային մարմինների միջև էլեկտրոնային հաշիվների մասին տեղեկությունների փոխանակման հնարավորությունը և դրա շուրջ աշխատանքների մեկնարկը, Ղազախստանի Հանրապետության պետական եկամուտների կոմիտեի նախագահի տեղակալի կողմից առանձնակի հետաքրքրություն է ցուցաբերվել Հայաստանում պետական եկամուտների կոմիտեի կողմից շահումով խաղերի ոլորտում իրականացվող հսկողական մեխանիզմները, թվային գործիքները:

Համաժողովի շրջանակում կազմակերպվել է նաև «Հարկային երկխոսություն գործարարների և արտադրողների հետ» քննարկում, որի ընթացքում բազմաթիվ երկրների ձեռներեցներ ու շահագրգիռ այլ կողմեր հնարավորություն են ունեցել հարկային խնդիրների վերաբերյալ մտքեր փոխանակել, բարձրաձայնել մտահոգությունները և ներկայացնել առաջարկներ:

#### **8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝**

Համաժողովը չէր նախատեսում որևէ փաստաթղթի ստորագրում:

#### **9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները՝**

BRITACOF համաժողովը համախմբում է տարածարջանի երեք տասնյակ երկրների հարկային մարմինների պատվիրակներին, ինչպես նաև տարբեր միջազգային

կազմակերպությունների, գիտական հաստատությունների և գործարար համայնքի ներկայացուցիչներին: Այն եզակի հնարավորությունն է ընձեռում ճանապարհորդ ոլորտի միջազգային միտումներին և կիրառվող լուծումներին, ինչպես նաև բարձրացնելու ՀՀ և ՀՀ հարկային վարչարարության ճանաչելիությունն ու միջազգային հեղինակությունը «Գոտի և ճանապարհ» նախաձեռնության գործունեության տարածաշրջանի փորձագետների, միջազգային կազմակերպությունների և գործարարների շրջանում:

**10. Ստորագրությունը, ամսաթիվը**

Աշոտ Մուրադյան



Ներսես Զեյնալյան



14.09.2023թ.